

շատուր կիւրակէի ոչ ինչ պատճառաւ եհար և խորտակեաց զմամեղէնս և զերիս կանթեզս կաթեալ 'ի չղթայէ առաջի գերեզմանին, նախատելով զմիաբանութիւնն եւ զազգն, և արգել զթամարարն մտանել 'ի գերեզմանս Լուեալ զոյս Թէոդորոսի՝ ազդ արար Փոխանորդին Յունաց 'ի ձեռն Թարգմանին իւրոյ, և նորա կոչեալ զՏեսուչն յանգիմանեաց՝ և խնդրեաց զի ներեսցէ Պատրիարքն, իբրու թէ նա 'ի քարկութեան իւրում յանգէտս արարեալ իցէ դայն: Միաբանք Հայոց 'ի խորհուրդ գումարեալ քննեցին զվաւերական գրեանս վասն գերեզմանի Ս. Կուսին, և գտին զնոսա հաստատուն, մեծաբանելն և խորխտալն Յունաց՝ հակառակ էր այնց գրոց:

Եւ 'ի խորհրդեան սահմանեցաւ՝ զի ինքեանք եւս յաւելցեն զայլ իրս յեկեղեցւոջ անդ, որպէս Յայնք արարեալ էին: Եւ զինի առուրց եկին ոմանք 'ի Յունաց միջնորդ լինել հաշտութեան, իսկ Աւետիս Թարգման տայ նոցա զարժանաւոր պատասխանիս, առաջի գնելով զներողութիւնն Հայոց եւ զըմբոստութիւնն Յունաց՝ սահմանելով նորանոր իրս յեկեղեցւոջ անդ, և զսահմանեալն Հայոց Զանալ բառնալ և ջնջել 'ի միջոյ: Ո՛վ ետ ձեզ զիշխանութիւնդ զայդ. գործել ըստ հաճոյից ձերոց՝ և աղարտել զպատիւ ողջոյն ազգի միոյ. զի եթէ ոչ էր լուեցուցեալ մեր զձերունիս՝ վաղու եւս հանդիպեալ էր ձեր մեծամեծ վնասուց՝ և զայլ սոցին նման բանս լուեալ Յունաց մեկնեցան: Իսկ Հայք կախեցին 6 կանթեզս 'ի չղթայէ անտի փոխանակ երկոց, և սամանեցին ածել աւել յեկեղեցին: Լուեալ զայսոսիկ Յունաց վերստին եկին առ Թէոդորոս՝ և խնդրեցին 'ի նմանէ բառնալ զերիս կանթեզս 'ի չղթայէ անտի: Առ որս ետուն պատասխանի՝ 'ի խորտակել երկոց կանթեզացն՝ ոչ ինչ խնդիր արարին միաբանք ձեր, այժմ՝ ընդէ՞ր թախանձեն բառնալ զերիս կանթեզս. ուստի՞ առեալ է ձեր զայդ հրաման օր քան զօր յաւելլու և սահմանել նորանոր իրս, և այլ սոցին նման բանք. 'ի մէջ առին նաեւ զբանս Աւետիս Թարգմանին զոր խօսեցեալ էր նոցա, 'ի վերջոյ անկարելի ասացին բառնալ զերիս կանթեզս. իսկ եթէ ոչ անսայք՝ բողոք բառնալք առ դատաւորն և դատաւորան խնդրեմք, որո՞յ հրամանաւ արտր զայն